

竹谿縣志卷之十五

物產

傳曰物土之宜而布其利言燥濕各有所宜樹畜必因其利也邑低田宜稻高田宜麥菽梁黍稷蔬菓禽魚之屬他邑所侈陳者頗亦多有蓋駸駸乎被潤澤而大豐美矣昔地廣人稀素號饒裕今懇闢益多磽瘠日甚樂土其長可恃耶周官有云阜人民蕃鳥獸毓草木任土事當有任其責者矣作物產志

穀之屬有香秔有芒穀有紅黏有白黏有麻黏有糯穀種類甚多難以悉數有大麥有小麥不種於田而種於地種於山種以八月九月收於四五月備四時之氣而小麥較南方性不甚熱有玉麥有燕麥亦種於秋而收於夏有蕎二種有黍有粟有黃豆黑豆菘豆小豆又有赤白綠三色赤能利水堪入藥有豇豆豌豆芝蔴山農多以玉燭黍爲食主俗名包谷稻麥則通用之

蔬之屬有葱蒜韭薤有芹芥莧蒿苣有大頭菜有菜臺有青菜白菜茯苓白形如茯苓蔓菁油菜瓢兒菜有茄有匏葫蘆蘿葡圓根刀豆扁豆王瓜冬瓜絲瓜甜瓜苦瓜菜瓜番瓜有

笋木耳香菌年肚菌猴頭菌葛花入藥根可作粉有蕨菜取其根爲粉可以療飢或謂蕨歲凶乃出非也歲凶民乃掇取稔則無收之者

菓之屬有桃杏李梅石榴胡桃櫻桃銀杏卽白菓平菓梨棗栗柿有葶薺有甘蔗西瓜

竹之屬有水竹可以作筐筥有苦竹山竹茨竹紫竹斑竹金竹龍頭竹束之以爲帚

木之屬有松柏杉棕桐椿榔楸槐有榆柳有鐵梨有花梨不堪爲器用止宜供炊爨有白楊黃楊有黃桑烏桑可爲器用

竹谿縣志

卷十五物產

二

其他甚多不可枚舉

花之屬有牡丹芍藥有蘭有菊有桂有葵有蓮有迎春薔薇山茶金盞玉簪金錢石竹雞冠有天竹木香茨梅海棠有繡毬粉團忍冬臘梅有月季紫荊梔子鳳仙芙蓉有夜合有錦屏瑞香

草之屬有蒲有茅有藤有葛有棘有鹿葱有龍鬚有紫草有竹節

藥之屬有天門冬石菖蒲牛蒡子有車前白芨有黃蘗川芎有木瓜牽牛百合山藥枸杞芍藥有益母五味子葛根有通

草蒼耳貫仲澤蘭小茴香有艾有烏藥有金銀花五倍子五加皮何首烏地骨皮薄荷杜仲花椒厚樸皮黨參

禽之屬有雞有鴨有鵝有雉有畫雞錦雞有竹雞畜之可驅臭鼠有畫眉有布穀有野鴨有啄木八哥有黃鶯鷺鷥有雀有鷹有鷓有鵲有鴉有鶉有子規有斑鳩

獸之屬有牛馬有騾驢有豬羊有貓狗有虎豹有豺鹿有麂獐有野豬有山牛山羊有羚羊有熊有猿有猴有兔有獺有竹鼬有狐狸黃鼠有刺尾有獐在昔荒山叢雜獸類頗多今山木伐盡亦不多見焉

竹谿縣志

卷十五 物產

三

鱗之屬有鯉有鯽有鱖有鱧有鱣有鱖有鰻有鯨有鯨有黃頰有白魚有桃花有露魚有麥穗有泉魚鮎魚土魚馬口魚

介之屬有龜有鱉有蝦有石蜆有田螺

蟲之屬有蝎有蛇有蜘蛛有蜜蜂有守宮有蟬有蝶有螢有蛙有蚯蚓有蟻有蟾蜍有蟋蟀有蜻蜓有螳螂有螻蛄有蠅貨之屬有麻油有白蠟黃蠟花椒紅花有棉有棕有板木有熊掌有蜂蜜有炭有漆有紫草有麻有羊筋有藕粉